



Broj: 02-40-581/14  
Fojnica, 07.05.2014. godine

Na osnovu člana 5. Pravilnika o raspodjeli sredstava za sport, broj 02-40-581/14 od 05.05.2014. godine, Služba za društvene djelatnosti i stambeno-komunalne poslove Općine Fojnica raspisuje

## **JAVNI POZIV za raspodjelu sredstava namijenjenih sportu u 2014. godini**

### **I**

Raspisuje se javni poziv za finansiranje ostvarivanja javnog interesa u oblasti sporta na području Općine Fojnica, a u skladu sa Pravilnikom o raspodjeli sredstava namijenjenih sportu u 2014. godini.

### **II**

Sva udruženja i klubovi iz oblasti sporta, koja imaju namjeru aplicirati za dodjelu sredstava, potrebno je da ispunjavaju slijedeće uslove:

- da je nosilac projekta, odnosno podnosilac aplikacije, organiziran u skladu sa pozitivnim zakonskim propisima najmanje 12 (dvanaest) mjeseci prije objave Javnog poziva, te da blagovremeno izvršava obaveze u skladu sa članom 33. Zakona o udruženjima i fondacijama („Službene novine F BiH“, broj 45/02),
- da ima sjedište na području Općine Fojnica,
- da je zahtjev podnio Upravni odbor ili Predsjedništvo udruženja,
- da ima obezbjeđene tehničke uvjete za realizaciju programskih aktivnosti,
- da ima dokazanu sposobnost za realiziranje aktivnosti iz oblasti sporta,
- da ima usvojen Program rada za tekuću godinu,
- da ima Finansijski plan za tekuću godinu,
- da ima finansijski izvještaj za prethodnu godinu, sa Bilansom stanja i Bilansom uspjeha, ovjerenim od AFIP-a do 28. februara tekuće godine,
- da je ispoljena racionalnost u korištenju ranije dodijeljenih sredstava i da su budžetska sredstva uredno i na vrijeme pravdana.

### **III**

Sredstva planirana budžetom Općine Fojnica za finansiranje/sufinansiranje programa/projekata iz oblasti sporta (90 % ukupno planiranih budžetskih sredstava) dodjeljuju se za:

**Program I** – 70 % sredstava planiranih za finansiranje/sufinansiranje programa/projekata koji se odnose na razvoj takmičarskog sporta, i to:

- uplate kotizacija za takmičenje,
- uplata članarine matičnim savezima za udruženja/klubove i igrače,

- registracije i preregistracije igrača,
- ljebarske preglede igrača,
- licenciranje igrača, trenera i stručnog osoblja udruženja ili klubova,
- osiguranje igrača,
- uplate za službena lica,
- prevoz na takmičenje,
- za finansiranje/sufinansiranje specifičnih aktivnosti udruženja ili klubova navedenih u programima/projektima (koje su karakteristične i nužne u odnosu na druga udruženja ili klubove).

NAPOMENA: Služba za društvene djelatnosti i stambeno-komunalne poslove je dužna izvršiti provjeru visine iznosa u programu/projektu traženih sredstava kod matičnih saveza, kao i kod drugih nadležnih institucija.

**Program II** – 20 % sredstava planiranih za finansiranje/sufinansiranje programa/projekata koji se odnose na masovno uključivanje šire populacije Općine Fojnica u sportske aktivnosti na aktivnom i rekreativnom nivou, posebno u funkciji zdravlja građana, afirmacije društvenih vrijednosti i prevencije devijantnog ponašanja mladih.

**Program III** – 10 % sredstava planiranih za finansiranje/sufinansiranje programa/projekata koji se odnose na školovanje i usavršavanje stručnog kadra u udruženjima ili klubovima.

#### IV

Prijava treba sadržavati:

- popunjen prijavni obrazac,
- rješenje o registraciji (ovjerena kopija),
- uvjerenje o poreznoj registraciji (ovjerena kopija),
- uvjerenje o izmirenim poreskim obavezama,
- transakcijski račun (ovjerena kopija ugovora s bankom ili potvrda banke),
- program ili projekat kojim udruženje aplicira za dodjelu sredstava, sa posebno razrađenim oblastima: naziv programa/projekta, programski ciljevi, ciljne grupe, rang takmičenja, broj učesnika i njihova starosna dob, očekivani direktni i krajnji rezultati, konkretne aktivnosti programa koje će biti poduzete, ukupni troškovi realizacije programa/projekta i izvori finansiranja, vremenski plan provođenja aktivnosti – kalendar takmičenja, način informiranja javnosti o aktivnostima realizacije programa/projekta,
- Bilans stanja i Bilans uspjeha za proteklu godinu, ovjeren od AFIP-a do 28. februara tekuće godine (ovjerena kopija),
- tekstualni i finansijski izvještaj za udruženja koja su dobila finansijsku podršku iz Budžeta Općine Fojnica u prethodnoj godini,
- za programe koji se provode u školama dostaviti pisanu saglasnost direktora škole, odnosno nadležnog ministarstva,
- naznačiti za koji se program aplicira (tačka III ovog Javnog poziva).

## V

Kriteriji za ocjenjivanje:

- način finansiranja,
- takmičarski sportovi,
- broj članova /učesnika manifestacije,
- relevantnost,
- tradicija postojanja kluba/održavanja manifestacije,
- dobne kategorije članova/učesnika manifestacije,
- kadrovska struktura kluba.

## VI

Uputstvo za aplikante i prijava programa/projekta za finansiranje ili sufinansiranje sredstvima iz budžeta Općine Fojnica, bit će objavljeni na web stranici Općine Fojnica i dostupni na info-punktu Općine Fojnica.

Prijave sa dokumentacijom podnose se Službi za društvene djelatnosti i stambeno-komunalne poslove Općine Fojnica, s naznakom: „Komisija za društvene djelatnosti – dodjela grantova za programe/projekte iz oblasti sporta za 2014. godinu – NE OTVARAJ“, Bosanska 94, 71270 Fojnica, lično ili poštom.

## VII

Javni poziv ostaje otvoren 15 dana od dana objavljivanja na oglasnoj ploči i na službenoj web stranici Općine Fojnica.

**OPĆINSKI NAČELNIK**

***Salkan Merdžanić, dipl.ing.šum.***